


E je rivade chê ore!

Miercus ai 28 di Març, li de Biblioteche Joppi, aes 6 sot sere, intune cjacarade cun Pauli Cantarut, si presentarà trê gnûfs libris di contis par furlan, ven a stâi lis tre ultimis jessudis pe cjase editore Kappa vu. E induvinait di cui che a son chescj trê libris?


Ben po... a son ducj i trê di int che a cognosseis!

O vin il libri che al è stât segnalât al Sant Simon 2017, dal nestri fedêl famei **Checo Tam**, che al à nuiemancul che svuedât i siei scansei par regalânus la sô racuelte di contis, dopo il sô **Scûr di lune**.


Ve chi la cuvierte!



E dopo cjalaitlu li, inte cuvierte, cui che si torne a fâ viodi, dopo i tims des **Contis de disincressite...** **Gianfranco Pellegrini**, il nestri Garzon che tant nus à dât cu lis sôs contis di induvinâ voltadis par furlan. Al è lui che nus fâs cjalâ il mont... cun altri voi, e o vin propit bisugne.



E ultin, dopo doi agns da lis sôs **contis di famee**, ve che **il vuestri Ostîr** us conte ancjemò altris contis di famee, tiradis fûr de sô acuille gjenealogjiche!



Insome... a saràn sigure altris ocasions in curt, ma intant, par cui che al volès vignî a fâ un zîr a Udin miercus di sere par saludâ i trê autôrs e viodi la prime presentazion, si cjatin ducj di front di Pieri Mortadele a Udin, miercus di sere.